

# 《無量壽經優婆提舍願生偈》 補充講表

◎附表四：

○備諸珍寶性，具足妙莊嚴 以下糅合《佛說無量壽經》第二十七願、一切嚴淨

※《佛說無量壽經》云：「設我得佛，國中天人，一切萬物，嚴淨光麗，形色殊特，窮微極妙，無能稱量。其諸眾生，乃至逮得天眼，有能明了，辨其名數者，不取正覺。」

○無垢光燄熾，明淨曜世間（以下糅合《往生論註》）

◆此二句，名莊嚴妙色功德成就。佛本何故起此莊嚴？見有國土，優劣不同；以不同故，高下以形；高下既形，是非以起；是非既起，長淪三有。是故興大悲心，起平等願，願我國土光燄熾盛，第一無比。

◆他化自在天金，比安樂國中光明則不現。所以者何？彼土金光，從絕垢業生故。清淨無不成就故。安樂淨土，是無生忍菩薩淨業所起，阿彌陀如來法王所領，阿彌陀如來為增上緣故。是故言：「無垢光燄熾，明淨曜世間。」曜世間者，曜二種世間也。

○寶性功德草，柔軟左右旋，觸者生勝樂，過迦旃隣陀。（糝合《往生論註》）

◆此四句，名莊嚴觸功德成就。佛本何故起此莊嚴？見有國土，雖寶重金玉，不得為衣服；雖珍玩明鏡，無議於敷具。斯緣悅於目，不便於身也。身眼二情，豈弗矛盾乎？是故願言：使我國土，人天六情，和於水乳，卒去楚越之勞。所以七寶柔軟，悅目便身。

◆迦旃隣陀者，天竺柔軟草名也，觸之者能生樂受，故以為喻。

○寶華千萬種，彌覆池流泉，微風動華葉，交錯光亂轉。以下糝合《佛說無量壽經》

※《佛說無量壽經》云：「彼諸菩薩，及聲聞眾，若入寶池，意欲令水沒足，水即沒足；欲令至膝，即至於膝；欲令至腰，水即至腰；欲令至頸，水即至頸；欲令灌身，自然灌身；欲令還復，水輒還復。調和冷暖，自然隨意，開神悅體，蕩除心垢。」

△華光出佛：分五

一、明華數量

又眾寶蓮華，周滿世界。

二、明華形色

一一寶華，百千億葉，其華光明，無量種色，青色青光、白色白光，玄黃朱紫，光色赫然，  
煒燁煥爛，明曜日月。

三、明華放光

一一華中，出三十六百千億光。

四、光中出佛

一一光中，出三十六百千億佛，身色紫金，相好殊特。

五、化佛度生

一一諸佛，又放百千光明，普為十方說微妙法。如是諸佛，各各安立無量眾生於佛正道。

○宮殿諸樓閣，觀十方無礙，雜樹異光色，寶欄遍圍繞。以下糅合《佛說無量壽經》

△設我得佛，國土清淨，皆悉照見十方一切無量無數不可思議諸佛世界，猶如明鏡，覩其

面像。若不爾者，不取正覺。（第三十一願、照見十方）

△設我得佛，國中菩薩，隨意欲見十方無量嚴淨佛土，應時如願，於寶樹中，皆悉照見，猶如明鏡，覩其面像。若不爾者，不取正覺。（第四十願、樹中現刹）

※《佛說阿彌陀經》云：「又舍利弗，極樂國土，七重欄楯，七重羅網，七重行樹，皆是四寶，周匝圍繞，是故彼國名為極樂。」

○無量寶交絡，羅網遍虛空，種種鈴發響，宣吐妙法音。

※《佛說無量壽經》云：「無量寶網，彌覆佛土，皆以金縷真珠，百千雜寶，奇妙珍異，莊嚴校飾。周匝四面，垂以寶鈴，光色晃曜，盡極嚴麗，自然德風，徐起微動。其風調和，不寒不暑，溫涼柔軟，不遲不疾。吹諸羅網，及眾寶樹，演發無量微妙法音，流布萬種溫雅德香。其有聞者，塵勞垢習，自然不起。風觸其身，皆得快樂，譬如比丘得滅盡三昧。」